

ხელშეკრულება
სახელმწიფო შესყიდვების შესახებ N28/გ

ქ. მცხეთა

13 თებერვალი 2018 წელი

ჩვენ, ერთის მხრივ, მცხეთის მუნიციპალიტეტის მერია (შემდგომში - „შემსყიდველი“) წარმოდგენილი მუნიციპალიტეტის მერის გიორგი კაპანაძის და მეორეს მხრივ, საქართველოს გარემოს დაცვისა და სოფლის მეურნეობის სამინისტროს სსიპ ეროვნული სატყეო სააგენტო (შემდგომში - „მიმწოდებელი“) წარმოდგენილი სააგენტოს მცხეთა-მთიანეთის სატყეო სამსახურის უფროსის - დავით ალადაშვილის (3/ნ 01019032094) სახით, „სახელმწიფო შესყიდვების შესახებ“ საქართველოს კანონის 10¹ მუხლის, მე-3 პუნქტის, „ზ“ ქვეპუნქტისა და „ტყით სარგებლობის წესის დამტკიცების შესახებ“ საქართველოს მთავრობის 2010 წლის 20 აგვისტოს N242 დადგენილების 46³ მუხლის გათვალისწინებით, მცხეთის მუნიციპალიტეტის მერიის 2018 წლის დაფინანსების ფარგლებში, გამარტივებული შესყიდვის საშუალებით, ვდებთ სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) „შემსყიდველს“ და „მიმწოდებელს“ შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს „შემსყიდველმა“ „მიმწოდებლის“ მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარულიდღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6. „შესყიდვის ობიექტი“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „საშუაშე მერქანი“ - ხე-ტყის დამზადების შედეგად, ხე-ტყისგან მიღებული ერთ მეტრამდე სიგრძის დაკოტრილი ან წვრილი ბოლოდან არაუმეტეს 12 სანტიმეტრის დიამეტრის მქონე მერქნული რესურსი.

2. ხელშეკრულების საგანი

ხელშეკრულების საგანს წარმოადგენს „ტყითსარგებლობის წესის დამტკიცების შესახებ“ საქართველოს მთავრობის 2010 წლის 20 აგვისტოს N242 დადგენილების 27⁵ მუხლის მე-6 პუნქტის, 45-ე მუხლის პირველი და მე-2 პუნქტისა და 46³ მუხლის შესაბამისად მცხეთის მუნიციპალიტეტის მერიის საშუაშე მერქნული რესურსის მიწოდების უზრუნველყოფის მიზნით მომსახურების სახელმწიფო შესყიდვა (CPV - 03413000). კერძოდ, 140მ³ დამზადებული ფოთლოვანი (80 მ³) და წიწვოვანი (60მ³) ჯიშის საშუაშე მერქნული რესურსის გადატანა მცხეთის მუნიციპალიტეტის მატერიალურად შეჭირვებული მოსახლეობისათვის დანართ N1-ში მითითებულ ადგილზე და მიწოდების ადგილზე გადმოტვირთვა.

3. ხელშეკრულების ღირებულება

- 3.1. ხელშეკრულების ღირებულება განისაზღვრება ეროვნულ ვალუტაში და შეადგენს არაუმეტეს 12 300 ლარს.
- 3.2. ერთი კუბური მეტრი საშუაშე მერქნული რესურსის სარეალიზაციო ფასი განისაზღვრება „ტყითსარგებლობის წესის დამტკიცების შესახებ“ საქართველოს მთავრობის 2010 წლის 20 აგვისტოს N242 დადგენილების N9 დანართის შესაბამისად, მერქნული რესურსის სახეობების მიხედვით და შეადგენს ამ ხელშეკრულების მე-2 მუხლში მითითებული ფოთლოვანი მერქნული რესურსისთვის 90 ლარს და წიწვოვანი მარქნული რესურსისთვის 85 ლარს (დანართის შენიშვნის გათვალისწინებით რომ დადგენილი სარეალიზაციო ფასები მოცემულია 30 კმ-ის ჩათვლით მანძილზე ტრანსპორტირებით), ხოლო 30 კმ-ის ზევით, ყოველ მომდევნო კილომეტრზე ფასს ემატება 1³ მეტრისთვის - 0.50 ლარი.
- 3.3. ხელშეკრულების ღირებულება მოიცავს შესყიდვის ობიექტის შესყიდვასთან დაკავშირებულ ყველა ხარჯს, საქართველოს კანონმდებლობით გათვალისწინებულ ყველა სახის გადასახადსა და მოსაკრებელს.

4. შესყიდვის ობიექტის მიწოდების პირობები, ვადა და ადგილი

- 4.1. „მიმწოდებელი“ შესყიდვის ობიექტის მიწოდებას უზრუნველყოფს ეტაპობრივად, არა უგვიანეს 2018 წლის 01 მარტისა.
- 4.2. შესყიდვის ობიექტის მიწოდების ვადაში არ ჩაითვლება დროის ის პერიოდი, რომლის განმავლობაშიც ის შეჩერებულია „შემსყიდველის“ მიზეზით.
- 4.3. შესყიდვის ობიექტის მიწოდების ადგილია - „შემსყიდველის“ ადგილსამყოფელი.

5. ხელშეკრულებით ნაკისრი ვალდებულებების შესრულების ინსპექტირება

- 5.1. ხელშეკრულებით ნაკისრი ვალდებულებების შესრულების ინსპექტირებას განახორციელებს მცხეთის მუნიციპალიტეტის მერის წარმომადგენლები ქალაქ მცხეთის, მუხრანის და მისაქციელის ადმინისტრაციულ ერთეულში.
- 5.2. ინსპექტირება გულისხმობს "მიმწოდებლის" მიერ ხელშეკრულების პირობების შესრულების, აგრეთვე გაწეული მომსახურების ხარისხის კონტროლს.
- 5.3. ინსპექტირების შედეგად ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება "მიმწოდებელს" საქართველოს კანონმდებლობით დადგენილი წესით.
- 5.4. ამ მუხლის არც ერთი პუნქტი არ ათავისუფლებს "მიმწოდებელს" მოცემული ხელშეკრულებით გათვალისწინებული ვალდებულებებისაგან.

6. შესყიდვის ობიექტის მიღება-ჩაბარების წესი

- 6.1. შესყიდვის ობიექტი მიწოდებულად ჩაითვლება მხოლოდ მხარეებს შორის შესაბამისი მიღება-ჩაბარების აქტის გაფორმების შემდეგ.
- 6.2. მიღება-ჩაბარების აქტში ნაჩვენები უნდა იქნას მიწოდებული შესყიდვის ობიექტის ოდენობა დაღირებულება.
- 6.3. "მიმწოდებელი" ვალდებულია შესყიდვის ობიექტის მიწოდების დადასტურებისა და ანაზღაურების მიღების მიზნით, "შემსყიდველს" შესყიდვის ობიექტთან ერთად წარმოუდგინოს შესაბამისი ფინანსური დოკუმენტაცია.
- 6.4. "შემსყიდველის" მხრიდან მიღება-ჩაბარების აქტზე ხელმოწერის უფლებამოსილება ენიჭება, მცხეთის მუნიციპალიტეტის მერის წარმომადგენლებს, ქალაქ მცხეთის ადმინისტრაციულ ერთეულში ილია ჯიშკარიანს, მერის წარმომადგენელს მუხრანის ადმინისტრაციულ ერთეულში გიორგი გაბარაშვილს და მერის წარმომადგენელს მისაქციელის ადმინისტრაციულ ერთეულში გიორგი ქაშიაშვილს.

7. ანგარიშსწორების ფორმა და ვადები

- 7.1. მიმწოდებელთან ანგარიშსწორება იწარმოებს, ფაქტიურად გაწეული მომსახურების შესაბამისად, უნაღდო ანგარიშსწორების ფორმით, ეროვნულ ვალუტაში, მხარეების მიერ ხელშეკრულებაში მითითებულ საბანკო ანგარიშზე.
- 7.2. მიმწოდებელთან ანგარიშსწორება იწარმოებს ფაქტობრივად მიწოდებული შესყიდვის ობიექტის შესაბამისად, მხარეების უფლებამოსილი პირების მიერ ხელმოწერილი მიღება-ჩაბარების აქტისა და წარმოდგენილი საგადასახადო ანგარიშფაქტურის საფუძველზე, აღნიშნული დოკუმენტაციის წარმოდგენიდან არაუგვიანეს 7 (შვიდი) კალენდარული დღის განმავლობაში.

8. მხარეთა უფლება-მოვალეობანი

8.1. "შემსყიდველი" უფლებამოსილია:

- ა) ნებისმიერ დროს განახორციელოს "მიმწოდებლის" მიერ ნაკისრი ვალდებულებების შესრულებისა და ხარისხის ინსპექტირება;
- ბ) მიმწოდებლის ქმედებით ამ ხელშეკრულების მე-9 მუხლის შედეგების დადგომისას, გაწეული მომსახურების ღირებულება გადაიხადოს მიმწოდებლის მიერ პირგასამტეხლოსა და ჯარიმის გადახდის დამადასტურებელი დოკუმენტებისა და მე-6 მუხლით გათვალისწინებული დოკუმენტაციის წარდგენიდან 10 დღის განმავლობაში.

8.2. "შემსყიდველი" ვალდებულია:

- ა) უზრუნველყოს შესყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, "მიმწოდებელს" გაუწევს შესაბამის კონსულტაციას.

8.3. "მიმწოდებელი" უფლებამოსილია:

- ა) ამოსთხოვოს "შემსყიდველს" მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

8.4. "მიმწოდებელი" ვალდებულია:

- ა) მიაწოდოს შემსყიდველს ხელშეკრულების პირობებით გათვალისწინებული მომსახურება, ხოლო ნაკლის აღმოჩენის შემთხვევაში დაუყოვნებლივ აღმოფხვრას ყველა უზუსტობა.
- ბ) სრულად აანაზღაუროს მისი ბრალეულობითა და დაუდევრობით გამოწვეული ზარალი.
- გ) დროულად განიხილოს "შემსყიდველის" მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

8.5. თითოეული მხარე ვალდებულია კეთილსინდისიერად შეასრულოს ხელშეკრულებით ნაკისრი ვალდებულებები.

9. პირგასამტეხლო ხელშეკრულების პირობების შეუსრულებლობისათვის

- 9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მიმწოდებელს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,01%-ის ოდენობით.
- 9.2. ხელშეკრულებით ნაკისრი ვალდებულებების შეუსრულებლობის, არასრულად ან არაჯეროვნად შესრულების შემთხვევაში, მიმწოდებელი ჯარიმდება ხელშეკრულების ჯამური ღირებულების 0.1%-ის ოდენობით.
- 9.3. იმ შემთხვევაში, თუ დაკისრებული პირგასამტეხლოს ჯამური თანხა შეადგენს ხელშეკრულების ჯამური ღირებულების 5%-ს, "შემსყიდველი" იტოვებს უფლებას შეწყვიტოს ხელშეკრულება და მოსთხოვოს "მიმწოდებელს" ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 9.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.
- 9.5. პირგასამტეხლოს გამოთვლისას არ გამოიანგარიშება ხელშეკრულებით გათვალისწინებული ინსპექტირებისთვის გახარჯული დრო.
- 9.6. გამოვლენილი დეფექტის აღმოფხვრასთან დაკავშირებით ინსპექტირების ჯგუფის მიერ განსაზღვრულ და „შემსყიდველთან“ შეთანხმებულ ვადაზე არ ვრცელდება საჯარიმო სანქციები.

10. ხელშეკრულებაში ცვლილების შეტანა და ხელშეკრულების შეწყვეტა

- 10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ჩაითვლება ხელშეკრულების განუყოფელ ნაწილად.
- 10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები "შემსყიდველისთვის", გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 10.5. მხარე ვალდებულია 10.3 პუნქტით გათვალისწინებულ გადაწყვეტილების მიღების განზრახვის შესახებ დაუყოვნებლივ, წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. ხელშეკრულების შესრულების შეფერხება

- 11.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა აცნობოს მეორე მხარეს კომუნიკაციის ელექტრონული საშუალებით ან/და გაუგზავნოს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ 3 (ორი) სამუშაო დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.
- 11.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

12. ფორს-მაჟორი

- 12.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია ფორს-მაჟორის ხეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 12.2. თუ ერთ-ერთიმხარე ფორს-მაჟორული მდგომარეობის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;
- 12.3. მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის მოქმედების დასრულებისთანავე.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა უთანხმოება და დავაგადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ხელშეკრულების მოქმედების ვადა

ხელშეკრულება ძალაშია ხელმოწერის დღიდან და მოქმედებს მხარეთა მიერ ხელშეკრულებით გათვალისწინებული ვალდებულებების სრულ და ჯეროვან შესრულებამდე, 2018 წლის 01 მაისამდე.

15. შესყიდვის ობიექტის სტანდარტები

ხელშეკრულების ფარგლებში მიწოდებული მომსახურების სპეციფიკაციები უნდა შეესაბამებოდეს მოქმედ სტანდარტებსა და ტექნიკურ ნორმებს.

16. სხვა პირობები

ხელშეკრულება და მასთან დაკავშირებული ყველა მოლაპარაკება და სხვა დოკუმენტაცია, რომლებიც გაცივდება მხარეთა შორის, ფორმდება ქართულ ენაზე სამი თანაბარი იურიდიული ძალის მქონე ეგზემპლარად, რომელთაგან ორი ეგზემპლარი გადაეცემა "შემსყიდველს", ხოლო ერთი ეგზემპლარი - "მიმწოდებელს".

17. მხარეთა რეკვიზიტები

"მიმწოდებელი"

საქართველოს გარემოსა და ბუნებრივი
რესურსების დაცვის სამინისტროს
სსიპ ეროვნული სატყეო სააგენტო
მის: ქ. თბილისი, გ. გულუას ქ. №6
ს/კ: 204578581
საბანკო რეკვიზიტები: სახელმწიფო ხაზინა
კოდი: TRESGE22
ა/ა: 707367309

მცხეთა-მთიანეთის სატყეო სამსახურის უფროსი
დავით ალადაშვილი



"შემსყიდველი"

მცხეთის მუნიციპალიტეტის მერია
მის: ქ. მცხეთა, ანტიოქიის ქ. N7
ს/კ: 236099789
მიმღები ბანკი: სახელმწიფო ხაზინა
ბანკის კოდი: TRESGE22
მიმღების ანგარიში: GE24NB 0330 1002 0016 5022

მცხეთის მუნიციპალიტეტის მერი
გიორგი კაპანაძე



მცხეთის მუნიციპალიტეტის მატერიალურად შეჭირვებული მოსახლეობისათვის 140მ³ დამზადებული ფოთლოვანი (80 მ³) და წიწვოვანი (60მ³) ჯიშის საშემე მერქნული რესურსის მიწოდების ადგილია ქალაქი მცხეთა, სოფელი მუხრანი და სოფელი მისაქციელი.

1. ქალაქ მცხეთაში მისაწოდებელი საშემე მერქნული რესურსის რაოდენობაა 92 მ³.
2. სოფელ მუხრანში მისაწოდებელი საშემე მერქნული რესურსის რაოდენობაა 45 მ³.
3. სოფელ მისაქციელში მისაწოდებელი საშემე მერქნული რესურსის რაოდენობაა 3 მ³.

“მიმწოდებელი”

მცხეთა-მთიანეთის სატყეო სამსახურის უფროსი
დავით ალადაშვილი



“შემსყიდველი”

მცხეთის მუნიციპალიტეტის მერი
გიორგი კაპანაძე



ხელწერილი ინტერესთა კონფლიქტის შესახებ

ვადასტურებ, აღნიშნულ შესყიდვაში ჩემი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის 1 თავის მე-8 მუხლით გათვალისწინებულ პირობებს (საქართველოს გარემოსა და ბუნებრივი რესურსების დაცვის სამინისტროს სსიპ ეროვნული სატყეო სააგენტო ს/კ: 204578581 ხელშეკრულება 29/გ)

მცხეთის მუნიციპალიტეტის მერი



გიორგი კაპანაძე

მცხეთის მუნიციპალიტეტის მერის წარმომადგენელი ქალაქ მცხეთის ადმინისტრაციულ ერთეულში



ილია ჯიშკარიანი

მცხეთის მუნიციპალიტეტის მერის წარმომადგენელი მუხრანის ადმინისტრაციულ ერთეულში



გიორგი გაბარაშვილი

მცხეთის მუნიციპალიტეტის მერის წარმომადგენელი მისაქციელის ადმინისტრაციულ ერთეულში



გიორგი ქაშიაშვილი.